



ЛЕЗГИ

Газет

Жуван Ватан,
ватанэгълияр хуьх!

Дагъустанда 2016-2017-йисара автотранспортдин рекьер туькьурриз ва ремонт ийиз 10 миллиард манатдив агакна харж авун планламышнава, - хабар гузва республикадин транспортдин ва рекьерин майшатдин Агентстводи.

2016-йисуз республикадин метлеб авай 43,9 километр рехъ, чкадин метлеб авай 22 километр рехъ ва 207 погонный метр муькьвер туькьурун патал 2,6 миллиард манатдила гзаф чара авун планламышнава. Агентстводин делиралди, республикадин метлеб авай 170,5 километр ва чкадин метлеб авай 105,5 километр рехъ ремонт авун патални тахминан гъа икъван пул харжда.

Къве йисан къене республикадин 30-далай гзаф района рекьер ва муькьвер туькьурун, ремонт авун планламышнава. Финансар гъам федеральный, гъамни республикадин бюджетрай чара ийида.



1920 – йисалай акъатзава

N 42 (10687) хемис 15 – октябрь, 2015 – йис WWW.LEZGIGAZET.RU

Къимет “Дагпечатдин” киоскрай - 10 манат

Дагъустанда Москвадин йикъар куьтягъ хъана



Москвадин Гьукуматдин министр, меркездин культурадин Департаментдин руководитель Александр Кибовскийди Дагъустан Республикадин Къилин Указдалди “Дагъустан Республикадин культурадин лайихлу работник” лагъай гьурметдин тивар гана. Адани Дагъустандин Къилиз ва вири дагъустанвийриз чпин делегация ик чимидаказ къабулунай пара сагърай лагъана ва Москвадин мэр Сергей Собянинан тебрикдин чар келна.

Москвадин официальный делегациядин членри Махачкъалада чеб хъсандиз къабулунай РД-дин милли политикадин рекъай Министерстводиз чухсагъул малумарна. Александр Кибовскийди улкведин региона Москвадин Йикъар кыле тухун стратегиядин рекъай амадагвилер вилик тухунихъ ва регионрин интеграциядин алакъяр мягъкемарунихъ элкьурнавайди къейдна.

Дагъустандин Къили Александр Кибовскийди и муькьвара чапдай акъуднавай интерактивный документально-художественный “Гзаф миллетрин Дагъустан” таб пишкешна.

Республикада мугъманвиле хъайи москвийри са жерге серенжемра иштиракна.

“РД-да Москвадин Йикъар” онлайн-конкурсдин нетижар къуна. Акъажунар “Москвадин Йикъар”, “Москвадикай шириар”, “Москвадин тарих” номинацияра аваз кыле тухвана. Гъар са номинациядай къве касдиз декабрдин юкьвара пуд юкьуз Москвадиз экскурсиядиз фидай путевкаяр гана.

Москвадин Гьукуматдин министр Александр Кибовскийди конкурсда гъалиб хъайибуруз тебрикдин гафар лагъана, Москва шегъердин милли политикадин, регионрин урта алакъярин ва туризмдин Департаментдин руководителдин заместитель Иван Петрова конкурсантрив путевкаяр вугана.

Культурадин программа давамарун яз, Москвадин делегация Дагъустандин Государстводин сад авунвай музейдиз, Дуствилин кваллиз, Халкъарин дуствилин музейдиз ва милли парталринни милли инструментин лабораториядиз мугъман хъана. Халкъарин Дуствилин музейдин экспозицияриз килигдайла, мугъманри Дагъустандин халкъарин тарихдин адетар ва музейда кватнавай еке къимет авай яшайишдин ва интерьердин шейэр хуьнихъ еке метлеб авайди къейдна.

Москва шегъердин искусствойрин мастерин ва Дагъустан Республикадин яратмишунардай коллективрин иштираквал аваз суварин серенжемар Москва шегъердин искусствойрин мастерри ва Дагъустандин яратмишунрин коллективди иштиракдай гала-концертдалди куьтягъ хъана.

Мугъманриз Дербентдин Нарын-къала къеледиз, гъакни “I Петрдин квал” музейдин комплексдиз фидай мумкинвал гана.

Ахпа абур “Дербентдин коньякрин комбинат” ОАО-диз экскурсиядиз фена. Ина абур Дагъустандин ичкидин продукциядин дад аквадай мумкинвал хъана.

Гуьрушдин эхирдай А.Кибовскийди ноябрдиз Москвада Дагъустандин делегация чпи лап хъсандиз къабулдайди къейдна.

Дагъустандин Йикъарин сергъятра аваз Москвада Дербентдин 2000 йисни къейдда. Государстводин тарихдин музейда 3-ноябрдиз Дербент шегъердин тарихдиз бахшнавай выставка ачухда, Кремлдин Дворецда 5-ноябрдиз Дербент шегъердин юбилейдиз суварин концерт талуькьарда.

► 4

Куьрелди Къвалахдай чкаяр теклифзава

Мегъарамдхуьруьн района “Экопродукт” къушарин фабрикади къвалахдай 50-далай гзаф чкаяр теклифзава. 27-октябрдиз райцентрада а чкайрал хкъдай ксарин конкурс кыле тухуда. Къвалахал къабулайбурун вацран мажибар юкъван гъисабдалди 15 агъзур манатдив агакьада.

Мажибар екебур жеда

Россияда вич нафтладин виридалайни чехибурукай сад тир “Ванкорское” мядендиз къуллугъзавай транспортдин “Глобус” компанияди къвалахдайбурун арзаяр къабулзава. Къабулайбурун вацран мажибар 55-70 агъзур манатдив агакьзава.

Къвалахал къез кланзавайбурувай Махачкъала шегъерда авай “Успех” тивар алай жегъилрин къвалахар жагъурдай Республиканский центрадиз къез жеда. И центради 1031 касдиз гъеле къвалахар жагъурнава. И къадардикай 787 жегъил пешекардиз гъамишалугъ, 244 касдиз вахтуналди тир къвалахдай чкаяр хъанва. Вахтуналди къвалахдин чкайрал тайинарнавайбурун жергеда 12 кас Украинадай катна атанвайбуру ва 45 касни чпи махсусдаказ пешеяр чирнавайбуру ава. Пешеяр чирнавайбуру алай вахтунда “КЭМЗ” - дин Каспийскдин филиалда къвалахзава.

“Тагъирхуьруьн- Къазмаяр” пункт вахтуналди агалда

Дагъустандин таможнядин пресс-къуллугъди хабар гайивал, 15-октябрдила сергъятдила автотранспортдин ахъайдай гзаф терефрин “Тагъирхуьруьн-Къазмаяр” пункт капитальный ремонт авун патал агалда.

Ам ремонт авунин къвалахар 25 юкьуз давам жеда. Вири и вахтунда сергъятдила элячдай ксаривай ва транспортдивай “Цийи Филер” ва “Ярагъ Къазмаяр” пункттарай чпин рехъ давамари жеда.



ОБЩЕСТВО

Дагъларин улкведин меркездихъ галаз чи гъар са хуьруьн хизан алакьада ава, гъик лагъайтла, ина республикадин агъалийрин пудай са пай яшамиз жезва. Гъар са хизандин векиди меркезда зегъмет чуьгъзава.

► 3



ОБРАЗОВАНИЕ

Къадим шегъерда фадлай инихъ авайбурукай сад тир и чехи мектеб гила аквадайвал, риклер шаддайвал дегиш хъанва. Алай йисан гатуз мектебдин къене ва къецел патар тамамвилелди цийи кыллелай туькьур хъувунва.

► 10

Махачкъаладин 158 йис

Кланивилелди, къайгъударвилелди эгечлин

Хийир ЭМИРОВ



Разивилелди лугъуз кланзава, эхиримжи йисара республикада шегъерин, районрин, хуьрерин йикъарни суварар хъиз къиле

тухузва. Ибур марифатлу, менфятлу мярекатризни элкъвезва. Гьик лагъайтла, гъар садаз вич яшамеш жезвай хуьр, район, шегъер мадни кланарзава, адан тарихдихъ, инсанрихъ галаз таниш жедай мумкинвал яратмишзава. Алатай гъяд юкъуз, 11-октябрдиз, чна Махачкъала шегъердин 158 йис тамам хуьнихъ галаз алакълу авунвай йикъан мярекатрани иштиракна.

Меркездин йикъан сувар экуьнин сятдин 10-даз шегъердин "Ак-гел" бирин кьережда авай паркуна хажнавай урус интеллигентрин памятникдин вилик квай майданлай башламиш хъана. Жуван магъледа авай мярекат я лагъана, за сифте адал къилни члугуна.

Вилик квай йикъар къайи, гар квайбур, цав булутри кунвайбур тиртлани, 11-октябрь лап гъа сувариз кутугайди, гульушанди хъана. Паркунизни аялар галай диде-бубаяр гзаф къватл хъанвай. Ина аяларин фикир желбдай ксар, шейэр авай къван. Квасаярни аниматорар аялри чпин юкьва тунвай. Абурухъ галаз акъвазна шиклар язавай.

"Зи Махачкъала" твар алаз ачухнавай аяларин шикларин выставкада эцигнавай суретарни фикир желбдайбур тир. Шегъердин школайра клелзавай аялри чпин куьчейрин, къвалерин, гуьрчег имаратрин, паркарин шиклар, жуьреба-жуьре рангар ишлемишна, члугунвай.

Филармониядин, аяларин музыкальный ва искусстводин школайра клелзавай аяларин дестейри шегъерэглийриз манияр лагъана, къуьлер авуна, далдамчийрин дестеде чпин алакьунарни къалурна. Чи аялрихъ артистар хуьнин рекъай хъсан алакьунар авайди успат хъана. Абуру ингилис, француз, гъатта япон члаларалдини манияр устадвилелди тамарна.

Меркездин суварин мярекатар Стлал Сулейманан скверда, Дагъустандин госфилармониядин гатун майдандал къиле фена. Шегъердин администрацияди ва культурадин управлениди шегъерэглийрин гъевес, гуьгьулар хкаждай машгулардай, спортдин, къугьунрин серенжемар, выставкаяр, фестивалар тешкилнавай. Алакьадин "Мегафон" фирмади аялри, диде-бубайриз рикел аламукьдай пишкешар багъишзавай. Аваррин госмуздраттеатрдин дараматда ва къваларив столдал къугъвадай теннисдай, армспортдай, стриболдай, дартсдай, шахматрай, тламайрай, нардрай, путар хажунай, чкадилай яргал хкадарунай бягьсер къиле фена. Хуш авай гъар сада и серенжемар иштиракзавай ва гъалиб хъайибур пишкешралдини къейдзавай. Куьрелди, шегъерэглийри сувар тирди гъиссзавай ва чпиз ганвай мумкинвилекай шадвилелди менфят хкудзавай.

Меркездин йикъаз талукъ кар алай мярекат госфилармониядин гатун майдандал къиле фена. Ина РД-дин Гьукуматдин Председатель Абдусамад ГЪАМИДОВА, адан сад лагъай заместитель Анатолий КЪАРИБОВА, Махачкъала шегъердин администрациядин къилин везифаяр тамамарзавай Муса МУСАЕВА, РД-дин Халкъдин Собранидин депутаты, республикадин министерствойрин, ведомствойрин руководителри, шегъердин идарайрин, карханайрин векилри, са бязи районрин муниципальный тешкилатрин къилери ва мугьманри иштиракна.

Члехи концерт башламишдалди вилик шегъерэглийриз меркездин югъ РД-дин Гьукуматдин Председатель А.Гъамидова тебрикна ва лагъана: "Ци чухъ галаз вири уьлкведини Дербентдин 2000 йисан юбилей лайхлувилелди къейдна. Юбилейдин и гъакьикъатди чи культурадин, яшайишдин къадим бинеийрикай эзберзава. Тарихдин уьлчмейрал гъалтайла, чи республикадин меркез жегьил шегъеррик акатзава. Ятлани алатай 158 йисан вахтунда шегъер хъсан патахъ дегиш хъана, ам неинки республикада, гъакл Кеферпатан Кавказдани культурадин, яшайишдин жигъетдай вилик фенвай члехи шегъердиз элкъвена. Гъавилляй лугъуз жеда хъи, яшар тлимил ятлани, чи шегъердихъ пара лайхлувилер ава ва адан гележегни бегьерлуди жеда.

Садазни сир яз амач, къенин Махачкъала Россиядин къиблепата авай промышленный, культурадин, илимдин, спортдин ва савадлувилин члехи центрайрикай сад я. Ина промышленностдин кар алай карханаяр, финансовый институтар, илимдинни ахтармишунардай ва образованидин идараяр ава. XXI асир илим, жуьреба-жуьре технологияр вилик физвай девир я. Гъавилляй чнани республикадин илим, образование вилик тухуник еке умудар кутунва.

Чи меркездиз культурадин центрани гъакл гъавайда лугъузвайди туш. Ина республикадилайни кьережда машгуьр хъанвай чи халкъарин милли театрал, филармония, музейар, яратмишдай коллективар, ансамблар, союзар, библиотекаяр ава.

Зун инанмиш я, Дагъларин уьлкведин меркездихъ галаз чи гъар са хуьруьн хизан алакьада ава, гъикл лагъайтла, ина республикадин агъалийрин пудай са пай яшамеш жезва. Гъар са хизандин векилди меркезда зегьмет члугъваза. Гъавилляй завай виклегъдиз лугъуз жеда, Махачкъала вири дагъустанвийрин зегьметдалди, жуьреба-жуьре несилрин алахъунралди, дуствилелди яшамеш жез арадал гъанвай шегъер я. Гъавилляй чун адав мадни кланивилелди, къайгъударвилелди эгечлун герек я.

Меркез вири терефрихъай авадалу, шегъерэглийриз вири жуьрейрин къулайвилер авай шегъер хуьн патал республикадин гьукуматдини лазим серенжемар къабулзава. Шегъердин администрациядив гъамиша чи патай герек куьмекар агакъда. Гъа са вахтунда шегъердин ва районрин администрацийрин, идарайрин, карханайрин регьберрин къвалахдиллайни, абур чпин везифайрив эгечизавай тегьердиллайни гзаф крар аслу я. Вирида санал гъар са шегъерэглидин къвале датлана эквни, газни, чимивални, ядни хуьн, чи куьчяр, рекьер, гъаятар лазим къайдада авадалламышун патални зегьмет члугуна кланда. Эгер ик тахъайтла, агъалияр властдин органрилай нарази яз амукьда. За лап рикин сидкъидай мад сеферда кез шегъердин югъ тебрикзава, - лагъана Абдусамад Гъамидова, - чи меркез гуьрчегди, авадалуди авун гъар сада вичин къилин везифа яз гъисаба.

Шегъерэглийриз хуш келимаяр Муса Мусаевани лагъана ва ахпа ада меркез экономикадин, яшайишдин, культурадин жигъетдай вилик тухуник лайхлу пай кутазвай шегъердин администрациядин управленийрин, къуллугърин работникрин, активистрин, волонтеррин, жегьилрин парламентдин членрин, къайдаяр хуьдай органрин къуллугъчийрин, яратмишдай коллективрин векилрин зегьмет гуьрметдин грамотаяр, твар янавай сятар гуналди къейдна.

Рахунрилай гуьгьуьниз Дагъустандин эстрададин, филармониядин лайхлу артистри, шегъердин музыкальный ва искусствойрин школайрин коллективри члехи концерт гана. Идалай гуьгьуьниз 158 салют гана.



Шиклар ягъайди - Гь. ИСАЕВА

Дербентдин карханайра Къиле бажарагълу кас хъайила

Нариман КЪАРИБОВ

Чи республикадин маса шегъерра хъиз, къадин Дербентдани алай четин вахтунда къвалахдик кумай ва хъсан еридин продукция гъасилзавай карханаяр ама. Абурун жергедик Дагъустандин эцигунардай материалар акъуддай комбинатни акатзава.



И мукъвара зун эцигунардай индустриядин къвенквечи карханадиз (вичин къиле лезги халкъдин бажарагълу рухвайрикай сад тир Гъажи Жабраилов авай "Дагюгстрой" объединение) мугъман хъана. ДКСМ-дин директор Нариман Мусаева зун хушвилелди къабулна. Хваш-беш авурдалай къулухъ за Нариман Мегъамедовичавай коллективдин крарикай, агалкъунрихъ галаз санал къвалахда гьалтзавай четинвилерикай суьгъбетун тлалабна.

- Квез чизвайвал, - захъ элкъвена башламишна вичин ихтилат Н.Мусаева, - Дербент шегъердин этрефайра къилдин ксарин хейлин карьерар (эцигунардай къванер атлудай участокар) ачухнава. Эхиримжи йисара шегъерда мад карьерар ачухдай мумкинвал гхана. Хуси карьерилай тафаватлу яз, - лугъуза Нариман Мегъамедовича, - чи карханади вахт-вахтунда чкадин ва республикадин бюджетриз налогар гузва, къвалахзавай ксариз зегъметдин гъакъи гунни садрани яргъал вегъезвач. Карханада гъар вацран юкъван мажибди 15-20 агъзур манат тешкилзава. Чпихъ къвалахдин гзаф йисарин тежриба авай ва виниз тир нетижаяр къазанмишзавай къвенквечийри лагъайтла, вацра 30-35 агъзур манатдив агакъна пул къачузава.

Карханада гзаф йисара зегъмет члугуна, пенсиядиз экъечинавай ветеранрини ана къвалах давамарзава. Чи коллективдин диб, истеклувал тешкилзавайбурук "Первомайский" участокдин начальник Бахмуд Гъамзаев, "Октябрьский" участокдин начальник Имамудин Абдурагъманов, къванер (цларин блокар) атлузвай машинрин машинистар тир Айгъази Агъмедханов, Ямудин Эскендеров, Гъамза Гъамзаев, Рамазан Алиханов, Иса Мусаев ва Гъажи Хейирбеков акатзава. Абуру жегъил пешекарриз чешне къалурзава.

- Чил - им тебиатди инсанриз ганвай гъамишалугъ савкъат, лап багъа девлет я, - давамарна вичин суьгъбет Н.Мусаева. - Гъавилай чи коллектив адав мукъуфдивди, иесивилелди эгечизава. Къванер атлана агалзавай карьерар гадарна тазвач, анагар накъвадив ахцлурзава, сад-къве йисалай маса макъсад патал ишлемишуниз гъазурзава.

Дербентда авай эцигунардай материалар акъуддай комбинатдин коллективди Дербентда, вири Къиблепатан Дагъустанда къиле физвай хийирлу крара ва мярекатра активнидаказ иштиракзава. Хуьрера мисклинар эцигдайла, анриз пулсуздаказ къванер рекъе твазва. Дербент шегъердин Приморский микрорайондин вири тротуарар къванерин плитаяр туналди, аваданламишнава, гъар йисуз 14 ва 21 лагъай нумрайрин юкъван мектебриз пулсуздаказ ремонтдин материалралди кумеккар гузва.

- Зи патав гъар вацра материалрин ва пулдин кумеккар тлалабиз клева гъатнавай ксар къвезва, - лугъуза ада. - Чна ахътин гъич са касни кумек тагана тазвач. Комбинатда мергъяматлувилдин махсус фонд тешкилнава.

И къвенквечи карханадин агалкъунрикай ихтилатдайла, важиблу мад са кар къейдна къанда. Коллективдин къазанмишяр артухарунин мураддалди ана кумекдин производствоярни кардик кутунва - облицовочный плитаяр, киреж ва керамикадин шейэр гъазурдай цехар ачухнава. Керамикадикай гъазурзавай цуьквер цадай къапар ва маса шейэр карханадин махсус туьквендай маса гузва. Ина гъакл спортсменриз гузвай гъалибвилдин кубокарни гъазурзава.

Чахъ галаз хъайи суьгъбетдин вахтунда Нариман Мегъамедовича гзаф къвенквечийрин тварар къуна, тежрибалу пешекарар, зегъметдин ветеранар хушвилелди къейдна.

Нариман Мегъамедовича вичикай суьгъбет физвай карханада, Дербент шегъерда лайихлу гъурмет къазанмишнава. Ам иниз, Москвадин горный институт акъалтларна, 1988-йисуз къвалахал атайди я. Сифте сменадин, ахпа "Октябрьский" участокдин начальниквиле къвалахай и бажарагълу пешекар ва тешкилатчи 1994-йисуз карханадин директорвиле тайинарна. Ада алай вахтундани и жавабдар везифа къилиз акъудзава.

Нариман Мусаеван гзаф йисарин гъакъисагъ зегъмет "Дагъустан Республикадин лайихлу эцигунардайди" лагъай твар, цлудралди гъурметдин грамотаяр ва дипломар гуналди къейднава. Ам Дербент шегъердин Собранидин депутат, боксдин рекъий шегъердин федерациядин президент я. Вични хъсан спортсмен тир ада мукъвал-мукъвал боксдай ва спортдин маса жуьрейрай акъажунар тешкилзава, гъалиб хъайибуруз вичин гъисабдай кубокар, пулдин пишкешар гузва.

Халкъдин игътияжар таъминариз...

РЕПОРТАЖ

Мегъамед ИБРАГЪИМОВ

Эхиримжи йисара Дагъустандин руководстводи республикадин сергъятра юкъван ва гъвечи карчивал ерилу авунин мураддалди субсидияр чара ийизва, грантар тешкилзава, хуьрун майишатдин метлеб авай чилер са шумуд йисуз къилдин ксарив ижарада вугуза. Ихътин серенжемар къабулунин нетижада гъа са вахтунда бейкаррин къадарни тлимил жезва. Алай вахтунда дагълух районар жегъилри хуьрун майишатдин къвалахриз итиж ийизва, къариблудиз фидалди, чкадал къил хуьдай кар-кеспидин суракъда гъатзава. Къаст авайди макъсаддив агакъда лугъудайвал, рикл гъаз эгечизавай бязибуру хуси карчивални арадал гъизва. Ихътинбурун жергейра Къурагъ райондин Клирийрин хуьрай тир **Мурадхан КЪАЙИБХАНОВНИ** ава.

Дагъустан алай вахтунда эцигунрин рекъий Россияда къвенквечи чкадал ала. Дагъларин улкъведин шегъерра хъиз, районрани, хуьрерани са къатда яшайишдин къвалер, карханадин дараматар, спортзалар, мисклинар... эцигзава. Шегъерра эцигунардай материалдин къитвал авачтлани, дагълух чкайра эци-

гъетдай икърардин бинедаллаз Пермдин, Костромадин, Комидин ва Россиядин са жерге маса шегъеррин карханадрихъ галаз къвалахзава. - Авай са четинвални авач, - вичин карчивилин сирер ачухзава М.Къайибханова. - За икърарар кутуннавай карханаирал, банкдикай

ярар-дустари, мукъва-къилийри чпелай алакъдай кумеккарни гана. Багъманчиди кутур къелемдикай бегъерлу еке тар арадал къведайвал, Мурадхана сифте эцигай гъвечи туьквендин чкадал алай вахтунда члехи база арадал атанва. Са шакини алачиз, карчивилин рекъе



менфят къачуна, пул агакъарзава. Чпин нубатда, абуру заказнавай материал иниз рекъе твазва. Арачияр авачиз къвалахзавайвилей за чкадал метягъни Къасумхуьрел, бязи шейэр Дербентда гъихътин къиметрай маса гузватла, гъахътин къиметрай маса гузва, - лугъуза ада.

агалкъунар къазанмишун патал ада зегъметни члугуна. Гъавайда лугъузавач, жафа члугурда сафа къачува.

М.Къайибханова къейд авурвал, гзаф затлар къачузвай муштерийриз базади метягъ чкадал ахгакъарун патал пулсуз техникани чара ийизва. Имни йикъалай-къуз вири затларин къиметар хкаж жезвай девирда муштерийриз къезилвал я. Малум хъайивал, датлана метягъ маса къачузвай муштерийриз бязи шейэрин къиметарни агъузурзава.

Клирида эцигунардай материалрин база ачухунин нетижада чкадин 10 касдиз къвалахдай чкаярни хъанва. Юкъван гъисабдалди абуру гъар сада вацра 15 агъзур манат мажиб къачузава. Идалай гъейри, эцигунардай материалар машиндиз ягъайла, я тахъайтла ахвудайла, алава пулни къазанмишдай мумкинвал жезва. Къурагъ райондин Бахцугърин хуьрай тир Шафидин Нурметова ина база ачухай йикъалай къвалахзава.

- Ина къвалахзавай гадайрин арада виридалайни еке тежриба захъ ава, - лугъуза ада. - Чкадал куюьд, гад талгуз къвалахдай, къил хуьдай кеспи гъатун лап хъсан кар хъана. Къвалахдин шартларни разивал ийиз жедайбуру я. Вацра пуд юкгуз чна ял язава, йиса са вацран отпуск гузва. Зи фикирдалди, патарал физ, къвалер-йикъар кирида къаз, мишекъат шартлара еке пулар къазанмишдалди, чкадал, жуван хизандин патав са кеспидал машгъл хъун кутугай кар я. Гъелбетда, эгер гъахътин мумкинвилер аваз хъайитла. Шукур хуьрай Аллагъдиз, чаз ихътин мумкинвал ава, - суьгъбетзава Ш.Нурметова.

Бейкарвилдин месэла къвердавай хци жезвай вахтунда дагъдин чкайра ихътин карханаир, базаяр кардик акатун, гъакъикъатдани, тебрикиз жедай кар я. Гъукуматдини ихътинбуруз кумекиз хъанайтла, мадни хъсан жедай. Мурадхан Къайибхановахъ гележегда вичин карчивилин сергъятар мадни гегъеншардай ниятар ава. Адахъ и рекъе еке агалкъунар хъун чи мурад я.



гунрин къвалахра герек къвезвай материалдин игътияж авайбуру, са къадар пул гана, машин къуна, яргъал мензилар атлуниз мажбур жезвай. Къилди къачуртла, Къурагъ районда икл тир. И кар фикирда къуна, 2012-йисуз Мурадхан Къайибханова Клирийрин хуьре, масмардилай гатлунна тахта-шалмандал хкатдалди эцигунрин къвалахра герек къвезвай саки вири материалар авай члехи база кардик кутуна. Карханадин сагибди, жезвай хийирдиллай гъейри, вичиз райондин агъалийрин патайни члехи гъурмет къазанмишнава. Икъван члвалди эцигунрин материал къачуз Къасумхуьрел, Дербентдиз финиз мажбур жезвай Къурагъ райондин агъалияр гила чкадал, Мурадханан базадиз къвезва. Муштерийрин жергейра Шихидхуьрун, Клахцугърин, Татарханрин ва маса хуьрерин агъалиярни ава. Вирида материалдин еридални разивалзава, къиметрални. Базадин сагиб М.Къайибханован гафарай малум хъайивал, ада метягъ (товар) маса къачунин жи-

Ина келун бахтлувал я



ЧИ МЕКТЕБРА

Нариман КЪАРИБОВ

Дербент шегердин 4-нумрадин юкван мектебда чирвилерни тербия къачуз-вай аялри ва абурун диде-бубайри - ингъе гъа ик лугузва. Къадим шегерда фадлай инихъ авайбурукай сад тир и чехи мектеб гила аквадайвал, риклер шаддайвал дегш хъанва. Алай йисан гатуз мектебдин къене ва къе-цел патар тамавилелди цийи кыле-лай туьхкюьр хъувунва. Къадим шегердин и мектебдиз къегъал дербент-ви, Советрин Союздин Игит Шамсулла Алиеван твар ганва.

Алай йисан 5-октябрдиз цийикла туьхкюьр хъувунвай мектеб ачхуниз талукъарнавай шад мярекат кыле фена. Ана Дагъустан Республикадин

образованидин илимдин рекъяй министр Шагъабас Шагъова, Азербайжандин Дагъустанда авай векил Шейхун Хайрула-огълы Асланова ва маса мугъманрини иштиракна.

Мектеб тамавилелди цийикла туьхкюьр хъувунин харжияр Дербентдин 2000 йисан юбилейдихъ галаз алакълу яз (кыле Азербайжан Республикадин сад лагъай ханум Мегърибан Алиева авай) Гейдар Алиеван фондуни ва гъа и фондунин Россияда авай векилвилдин идардин кыле акъваннавай Лейла Алиевдин патай авуна.

Кылди къачуртла, классра, кабинетра полар, раklarар ва даklarар цийибуралди эвезнава. Мектебдин актывый ва спортдин залар акур гъар са касдин риклик шадвални дамах акатзава. Къе мертебадин чехи дараматдин къавалай куьгъне хъанвай шифер алудна, аниз ракъ янава. Чимивал гудай ва экверин

линиярни гила вири цийибур я. Абур тамавилелди дегшарнава. Цийи столовая кардик кутунва. Мектебдиз, цийи турбаяр кутуналди ядни гъанва (икъван чъавалди хъвадай яд масанрай, ведройра аваз гъизвайди тир), чиркин ятар фидай канализацияни кардик кутунва. Мектебдин са корпусдал са мертеба мад хажнава. Гила къвед лагъай мертебада алава классар, методикадин кабинетар ахъайнава.

Шад мярекатдал вичин рахунра Ш.Шагъова вири муаллимриз пешекар-вилдин сувар тебрикна, Азербайжандай тир мугъманрин тварунихъай чими келимаяр лагъана. Мектебдин директор Гуьлназ Самедовади лагъайтла, къватл хъанвайбуруз кылизи акъуднавай къвалахрикай куьрелди суьгъбетна. Школадин педколлективдин, аялрин ва абурун диде-бубайрин тварунихъ Мегърибан Алиевадиз ва Лейла Алиевадиз шегердин 2000 йисан юбилейдихъ галаз алакълу яз "мектебдиз къвед лагъай уьмуьр гунай" чухсагуьл малумарна. И лишанлу вакъиадин патыхъай школадин дараматдин цлал мемориалдин куьл алктуруни шагъидвалзава.

Шад мярекатдин сергъятра аваз мугъманриз куьлерикайни маниьрикай ибарат тамашани къалурна, гуьгъунлай абур школадин дараматдиз килигна, адан цийи материально-технический базадихъ галаз таниш хъана.

РИКЕЛ ХКИН: Дербентдин 4-нумрадин юкван школа 1926-йисуз эцигнай, адаз "Фабрикринни заводрин семилетка" лугузвай. Алукъзавай 2016-йисуз келунин идаради вичин 90 йисан юбилей къейдда.

Уьмуьр аялриз бахшна

Алибуа ЭМИРСУЛТАНОВ

Муаллим лагъай твар чехи ва паклу я. Муаллимдин къвалахда кылин везифайрик, чирвал гун хъиз, хъсан хесетрин халисан инсан тербияламишунни акатзава.



Усугъчайдин юкван школада аялриз чирвал ва тербия гузвай математикадин муаллим **ЭФЕНДИЕВА Абидат Сейфединовна** аялрин, абурун диде-бубайрин патай еке гуьрмет къазанмишна-вайбурукай сад я.

Абидат муаллимди 1969-йисуз гъа винидихъ твар къур школада вичин зегъметдин рехъ башламишна. Сифте йисара ам пионердин дестедин кыле авай. 1975-йисуз Абидат Сейфединовнадиз Ленинан тварунихъ галай Вирисоюздин пионердин тешкилатдин Советдин патай гуьрметдин грамота ва значок пишкешна. Гъа са вахтунда ам ДГУ-дин математикадин факультетдик экечйна. Анаг акъалтларай ада школада аялриз математикадай дерин чирвилер гуз хъана. 1998-йисуз Абидат муаллимдин зегъмет

"Халкъдин образованидин отличник" лагъай лишандалди къейдда.

Абидат Сейфединовна са шумуд сеферда райондин ва чкадин советрин депутатвилени хъанай.

Гзаф йисарин гъакъисагъ зегъметдай 2005-йисуз Абидат Эфендиевадиз "Дагъустандин лайихлу муаллим" лагъай гуьрметдин твар гана.

2007 ва 2012 - йисара А. Эфендиевадиз акъалтзавай не-силдиз тербия ва чирвал гуни барадай хъанвай агалкъунрай РФ-дин образованидин ва илимдин министерстводин патай гуьрметдин грамотаяр пишкешна.

Саки 50 йисан зегъметдин стаж авай Абидат Сейфединовнади жегъил муаллимриз насигъатар ва вичелай алакълу куьмекар гузва. Ада тарс гузвай аялар чирвилерал мягкем ва гъар са кардал уьткъем я. Яргъал йисар, уьмуьрдин чехи пай аялриз бахшнавай муаллимдиз гъар сада чухсагуьл лугузва.

Абидат муаллимди вичин вад аял хвена, тербия гана. Абур вирида институтар акъалтарнава. Чехи хва Рустам медицинадин илимдин кандидат я. Ада Москвада Н.Приорован тварунихъ галай ЦИТО азарханада къвалахзава.

Алай вахтунда Абидат Сейфединовна Усугъчайдин чкадин Советдин председателдин заместитель ва Докъузпара райондин общественной палатадин секретарь я.

2015-йисуз Абидат муаллим Докъузпара райондин агъакъалрин Советдин председателвиле ва райсобранидин депутатвиле хъана. Ам акъалтзавай несилдиз чирвилер ва тербия гуникай къерех хъанва.

Дидедин пеше давамарзава

Замир МЕГЪАМЕДОВ, Вини СтГал

БАЛАМИРЗОЕВ Жабиран хизан муаллимдин хизан я лагъайтла, ягълмиш жедач. Келна хтай жегъил муаллимдиз Цмурин хуьруьн мектебда къвалах теклифнай, сифте муаллим яз, гуьгъунлай директорвал авур Б.Жабир хайи хуьруьз, Вини СтГалдал хтана, вичин пеше давамарна. Гъайиф, къве йис вилик ам вахтсуздаказ кечмиш хъана. Адан уьмуьрдин юлдаш **БАЛАМИРЗОЕВА Тамамата** чи мектебда лезги члаланни литературадин тарсар гуз яхъцур йисалай алатнава. Дидедейлай чешне къачур адан къве рушни - **Катринани Аминат** - хайи члалан тарсарин муаллимар я. И пешедал рикл ацукъай къве вахни чпин кылин везифайрив ашкъигъевесдив эгечзава. Алатай йисуз абурун хиве 11"а" ва 11"б" классрин руководителарвилдин везифаяр тунай. Абуру мукъвал-мукъвал ачух тарсар, конкурсар, викторинаяр, шаирин юбилеяр тухузвар. Чи районда мектебрин арада тухвай олимпиадайра Амината тарс гайи аялри къвенкъевич чкаяр къуна. Абуруз аялрин, абурун диде-бубайрин патай гуьрмет ава. Чи мурад гележегда абурохъ мадни еке агалкъунар хъун я.



Муаллимар - вахар Катринани Аминат

Сувабдин демерин шагъ

Эйзудин САЙДУМОВ,
Лезги писателрин Союздин член, шаир

Чагъанчи-манидар **МУРАДОВ Рагъман Мегъамедшафидин** хци ширин везиндалди лугузвай маниьриз за сифте телефондай яб ганай. Алатай асирдин 50-60-йисара хъайи чагъанчи-манидар Рачаб Сафарован сесиниз ухшар ширин сес авай кас за гзафбурувай суракъайла, эхирни завай жагъуриз хъана. Ам цийигъви, дяведин иштиракчи Мегъамедшафидин хва я.

Дяведай хтайла, Мегъамедшафиди чубан яз къвалахна. Аишат диде гамар храдай устлар тир. Ада гамунихъ рикл алаз халкъдин манияр, "Индиядин руш" ва масабур лугудай. Рагъманан буба Мегъамедшафиди далдамчи яз, къунши хуьрера сувабдин демер тешкилдай, ам музыкадал, куьлерал рикл алай кас тир. И хизанда 1955-йисан 10-майдиз Рагъман дуньядиз атана.



Чехи стхади, кал маса гана, Бакудай чагъан къачуна. Рагъмана вичи-вич чагъан ягъиз вердишарна. Вири райондин школайрин килигунар хъайила, алакъунрай школада амаз пишкеш яз баян гана.

1972-йисуз Агъа СтГал-Къазмайрин школа куьтягъай Рагъман, культпросветучилищедиз геж хъун себеб яз, Махачкъалада автодорожный техникумдик экечйна. Анаг куьтягъна хтайла, сифте эцигунардай техник яз къвалахна. Рагъман Мурадov алай вахтунда кылин инженер я. Республикадин метлеб авай "Мамрач-Ташкапур", "Куркент-Сыр-тич" шегъреяр, гъакъли чкадин 148 км рекъер къайдадик кваз хъуник вичин лайихлу пайни кутазава.

Техникумда келзавайла, Р.Мурадov Новолак, Гуниб райониз концерт гваз фена. Алакъунар авай чагъанчи-манидарди Москва, Краснодар, Красноярск, Ставрополь, Фрунзе шегъерра сувабдин демер тешкилна. Адаз а шегъерриз танишри теклифнай. Красноярск шегъердиз мугъман хъайила, Гъажибала твар алай са гадади адаз лагъанай: "Вахъай, Рагъман дах, Дагъустандин ни къезва!" Красноярск шегъерда хъайи йикъара Рагъман гъар юкъуз са-са касди илифарзавай, дустаризни эверна, чпин къвале сувабдин демер тешкилзавай.

Математикдин хчикай математик, инженердин хчикай инженер жедайвал, музыкадал рикл алай Мегъамедшафидин хчикайни къе твар-ван авай чагъанчи-манидар, сувабдин демерин шагъ хъанва. Ихътин са агъвалатни рикел хкиз кланзава. Рагъметлу Сайдумов Абдулкадираз Рагъман мугъман хъайила, артист ширин сесиналди лугузвай маниьрал гъейран хъана амукънай. Адан вилерал шадвилдин накъвар атанай.

Жегъил йисара Рагъмана "Рычал", "Чирагъ" группайрихъ галаз мехъеррал чагъан яна. Ада Сулейман-Стальский районда жезвай мярекатра иштиракзава. Алакъунрай адаз пишкеш яз цлан сят, гуьрметдин грамотаяр гана. Адаз хайи йикъариз талукъ яз кыле тухудай мярекатриз теклифзава. "Муьгъубатдин цай" манидин гафарни музыка Рагъмананбур я. Гафарни музыка вичинбур тир манияр адахъ гзаф ава. Алай вахтунда рикл алаз ада халкъдин, Етим Эминан члалариз къенвай манияр тамамарзава, ада чагъандилай гъейри, далдам, чуьнгъур, пианино, ямаха язава.

Ви дережа мадни гуьндуьр, искусстводин реке вахъ мадни еке агалкъунар хъурай, Рагъман стха!

Чин гъазурайди - Рагнеда РАМАЛДАНОВА

Владимир Путина тебрикна

ПАРАТХЭКВОНДО

Малум тирвал, са тимили йикъар идалай вилик Сочида мумкинвилер сергьятламишнавай спортсменрин (ампутантин ва колясочникрин) арада киле феи Виридуьньядин къугъунра Россиядин хянавай команда (196 спортсмендикай ибарат тир) медалрин зачетда (вири санлай 323 награда къазанмишуналди) 1-чкадиз лайихлу хъана. Шадвал кутазвайди мадни а кар я хьи, уьлкведин тивар спортдин рекъай гъундур дережадиз акъудуник чи республикадин спортсменрин еке пайни ква. И къугъунра дагъустанвийри 7 медаль къазанмишна. Абурун арада лезги руш-вичин ери-бине Дербент райондин Белиждай тир Севил АБДУЛОВАНИ авайдак чна хабар ганай.



РД-дин физический культурадин ва спортдин министерстводин сайтда хабар ганвайвал, и йикъара Россиядин Федерациядин Президент В.Путин Виридуьньядин къугъунра гъалибвал къазанмишай Россиядин хянавай командадин спортсменар къабулна, абурун жергеда виклеге лезги тават **Севил АБДУЛОВАНИ**, дагъустанвийрикай гъакни **Заира ИРАЗИЕВА** авай.

В.Путин спортсменар тебрикна, Сочидин Олимпиададин ва Паралимпиададин къугъунар киле феи спортдин майданрал сад лагъай сефер яз къабулай Виридуьньядин къугъунарни Россиядин хянавай командади лап виниз тир дережаяр къазанмишуналди акъалтарунилай разивал къалурна.

“Виридуьньядин къугъунрилай къулухъ заз лап хуш я квехъ галаз гуьруьшмиш жез. Вуч лугъун? Куьне мад сеферда вири гейрарна ва къазанмишай нетижайралди виридаз дериндай таъсирна. Спортдин министрди лагъайвал, куьне куь къаршидиз экъечинавай спортсменриз мугъманпересвал къалурнач. Россиядин спортсменри Сочида киле феи акъажунра хъсан нетижаяр ва цийи къугъунриз виниз тир гъазурвал аваз эгечинавайди къалурна. Куьне тамашачийриз ва трибунайра ацукънавай мугъманриз гъалибвилдин риклелай тефидай декъикъаяр багъишна. Гьелбетда, инсандин мумкинвилерихъ, дугъриданни, сергъятар авачирди, къастунал клеивал авуни, рикле экъ мурад ар хъуни ала-матар арадал гъидайди субутна”, - кьейдна вичин рахунра уьлкведин Президентди.

Дагъустандай тир паратхэквондистриз агалкъун РФ-дин спортдин министр **Виталий МУТКОДИН** тебрикна.

Кьейд авун лазим я хьи, С.Абдулова ва З.Ирадиева чпин заланвилдин категорияра Россиядин хянавай командадин башчияр я. Абуру лап кесерлу турнирар чпин устадвал ва алакьунар къалурни сад лагъай ийс туш.

8-октябрдиз Махачкъаладин аэропортуна **С.Абдулова** ва **З.Ирадиева** РД-дин физический культурадин ва спортдин министерстводин, гъакни Махачкъаладин ва Къарабудакент райондин (**З.Ирадиева** и райондай я) спорткомитетрин векилри, спортсменрин багърийри, ярар-дустари къаршиламишна.

“Дагъустан” гъалиб хъана

ВОЛЕЙБОЛ

Чи республикадин “Дагъустан” тивар алай волейболдин команда Вирироссиядин “Дуствилдин Кубок” турнирдин гъалибчи хъана. Расул Гъамзатован экъуь къаматдиз бахшнавай акъажунар алай йисан 9, 10 ва 11-октябрдиз Каспийскда Али Алиеван тиварунихъ галай Спортдин дворецда киле фена. И акъажунра “Ярославич” (Ярославль), “Грозный” (Грозный), “Трансгаз Ставрополь” (Георгиевск) командайрини иштиракна. Чи командади Кубок патал акъажунрин сергъятра аваз 3 къугъун киле тухвана, вирибуруни гъалибвал къазанмишна.

Турнир “Дагъустан” команда патал сезондин вилик квайди тир. Ик, Россиядин чемпионатдин килин “А” лигадин сад лагъай тур чи команда патал 24 ва 25-октябрдиз гатумда, чи командади Грозный шегъерда гъа ихътин тивар алай командадихъ галаз вичин устадвал къалурда.

2003-йисуз (а члавуз республикадин дережадин турнир) халкъдин шаир Расул Гъамзатован 80 йисан юбилейдиз талукъарнай. Адалай къулухъ алаатай йисарани и турнир шаирдин экъуь къаматдиз бахшна. 2013-йисалай лагъайта, “Дуствилдин кубок” Вирироссиядин турнирдин дережада аваз киле тухуз эгечина.

Кьейд авун лазим я хьи, мукъвара Каспийскда киле феи акъажунриз тамашиз атанвайбурун жергеда Дагъустандин Къил Рамазан Абдулатиповни авай. Ада турнирдин иштиракчийрин ва волейболдал рик алай вири ксарин тиварцихъ хуш келимаяр лагъана, “Дуствилдин кубок” арадал ату-нин сифтегъан камар рикле хъана.

- Чна сад лагъай сеферда и турнир киле тухвайла, гъафбуру “Расул Гъамзатован волейболдихъ галаз вуч алакъа ава?” - лугъуз хабар къунай. Шаирди вичин волейбол хуш тирди ва школадин командадик кваз къугъвайди кьейднай. Хунзаха жегъил гада волейбол къугъун тавуна жедай кар туш.



Расул Гъамзатов Дагъустандин ва Россиядин руьгъдин чешме я. И касди, диде-бубадикай, дишегълийрикай, Ватандикай гъаф лагъанва. Расул Гъамзатовичаз уьмуьр гъаф кландай. Адан 90 йисан юбилейдиз талукъарна Москвада памятник ачухнай. И мярекатда уьлкведин Президент Владимир Путинани иштиракуну Расул Гъамзатован юбилей умуни Россиядинди тирди кьейдзава. Чи уьлкведин Къилиз Расул Гъамзатов мукъувай чидай, адакай Владимир Владимировича гъаф хъсан гафар лагъанай, - алава хъувуна Р.Абдулатипова.

Эхиримжи йисара Дагъустан яшайишдинни экономикадин рекъай вилик финикай рахадайла, и рекъе къазанмишнавай агалкъунри Дагъустандин волейболдани хъсан патахъ дегишвилер тунвайди кьейдна региондин Къили.

- Дагъустандин волейболдин тарихда чи пешекарвилдин команда сад лагъай сефер яз Россиядин чемпионатдин килин “А” лигадиз акъатна. И команда гъич са затъни алачир кчадал арадал гъайиди я. “Гъалибвилдин кубок” къазанмишун патал акъажунрани “Дагъустан” командади вич лап хъсан терефдихъай къалурна. Чи во-

лейболистривай Европадин чемпионатдин клубрин арада виридалайни хъсанди тир командадин винел гъалибвал къазанмишиз алакьна. Чун Суперлигада уьлкведин чемпионвилдин тивар алай Казандин “Зенит” команда вичин майдандал къулухъ тунизни мукъва тир. Дагъустандин волейболдин командадихъ мадни еке агалкъунар хъун алхиззава. Чаз вич седеб яз Расул Гъамзатов рикле хъизвай турнирдин вири командайрихъни хъсан нетижаяр хъана кланзава, - лагъана Дагъустандин Къили.

Турнирдин иштиракчийрин тиварцихъ Дагъустандин писателрин Союздин председател Мегъамед Агъмедова ва шаирдин руш Салигъат Гъамзатовани хуш келимаяр лагъана.

Мярекатдал Дагъустандин волейболдин ветеранрин команда тебрикун киле фена. Цийи абур Россиядин чемпионвилдин тивар къазанмишна ва уьлкведин кубокдин сагъибар хъана. Республикадин Къили Дагъустандин волейболист, Россиядин жаванрин хянавай командадик кваз дуньядин чемпионвилдин тиварциз лайихлу хъанвай Денис Богданаз агалкъун тебрикна. Пишкеш яз, адав автомашиндин куьлегар вахкана.

Каспийскда спортдин акъажунар

САМБО

Алаатай гъафтедин ял ядай йикъара Каспийскда, Али Алиеван тиварунихъ галай Спортдин дворецда, 1996 ва 1997-йисара ханвай жаванрин арада самбодай Дагъустандин кивенквечивал къазанмишун патал акъажунар киле фена. Ана заланвилдин 10 категориядай 150-дав агакъна спортсменри чпин устадвал къалурна. Акъажунрин килин судья Россиядин лайихлу тренер Зайнулав Гъасанханов тир.

Алай йисуз Дагъустандин самбодин федерацияди 15 йисан юбилей кьейдзава. Республикадин кивенквечивал патал акъажунар ачухуниз талукъарнавай шад мярекатдал Россиядин лайихлу тренер, самбодай махсус ДЮСШ-дин директор Газимегъамед Агъмедова алагнавай йисара чемпионрин еке са десте гъазурайди кьейд авунихъ галаз санал, Дагъустандин самбодин федерациядин президент, РД-да “Сумма” дестедин векилвилдин идарадин директор Хучбар Хучбароваз республикада спорт вилик тухуниз зурба фикир гунай, спортсменриз ва тренерриз лазим тир вири шартлар тешкилунай чухсагъул малумарна.

Кьейд авун лазим я хьи, тамам кьве юкъуз Каспийскдин спортдин имарат тамашачийрив ацанвай, кьизгъин бягъсерин нетижата 1-чкадиз Махачкъаладин школадин самбистар лайихлу хъана. Кьвед лагъай чка Каспийскдин, пуд лагъай чкани Къарабудакентдин спортсменри къуна. Гъалибвал къазанмишай спортсменрив къазанмишнавай наградаяр РД-дин



самбодин федерацияди тайинарнавай рикле аламукъдай кубокар, гъакни Дагъустандин физический культурадин ва спортдин министерстводин медалар ва талукъ тир дережайрин дипломар шад галара вахкана.

Дагъустандин кивенквечивал патал акъажунрин нетижайриз килигна республикадин тренерри алай йисан декабрдин вацра **Нальчикда киле фидай СКФО-дин кивенквечивал патал акъажунра иштиракдай команда гъазурда.**

2017-йисуз самбодай дуньядин чемпионат Сочида киле фида.

Самбодай международный федерациядин Президент (FIAS) **Василий ШЕСТАКОВА** хабар гайивал, ихътин къарар Рига-

да киле феи федерациядин исполкомдин заседанидал къабулна.

“Заз шадвилелди кез хабар гуз кланзава: 2017-йисуз самбодай дуньядин чемпионат 2014-йисуз Россияди вини дережада аваз тешкилай ва киле тухвай Олимпиададин къугъунрин меркез Сочида киле тухун планламишнава. Олимпиададин хизандик акатунин мураддалди еке чалишмишвилер ийизвай самбо патал йисан килин акъажунар Сочида тухун гуьрметдиз лайихлу ва лишанлу вакъиа я”, - кьейдна вичин рахунра В.Шестакова. Идакай ТАСС-ди хабар гузва.

РИКЕЛ ХКИН: алай йисуз самбодай дуньядин чемпионат Мароккодин Касабланка шегъерда киле фида. Акъажунар 13-ноябрдиз башламишда.

Чина авай макъалаяр гъазурайди - Рагнеда РАМАЛДАНОВА

